



Ақмешіт

14 қаңтар
сейсенбі
№3 (2116)
2025 жыл

апталығы

Газет
1994 жылдың 15 сәуірінен
бастап шығады

• Қалалық қоғамдық-саяси әлеуметтік-
ақпараттық тарихи-танымдық газет •
E-mail: akmeshit.kz@mail.ru

Қызылорда атауының авторы

Күнделікті
күйбең тіршілікте
мына біз күн сайын
басып жүрген
кастерлі топырақта
бізге дейін кімдер
болғанын елей
бермейміз ғой.
Қазақ басынан
қанша нәубетті
жылдар өтті. Соның
әрбір сәтінде қанша
қиындық көрсе
де сағы сынбай,
сол қиындықтар
кезіккен сайын
шындала түскен
қазақтың
рухы қандай



мықты десенші... Ауылды екіге бөліп, ортаға
орналасқан Қоғалықол талай сырды ішіне бүккен
күйі үнсіз жатыр. Тарихтан тіп тартпа қалсаңыз,
әрбір төбе басында ұлылар жүрген даңғыл жол
менмұндалайды... Осы қасиетті мекенде қазақ
тарихында елеулі орын алған Мұнайтынас пен
Қожық әулеті де өмір сүрді.

Биыл – Қызылорданың астана болғанына 100 жыл. Осы
бір алтын уақыт төрінде біздің қазақ деген ұлтымыздың
ұлық атауын қайтарып алып, таңбалағанымыз да сол 1925
жыл еді... Сырдың төменгі ағысына жайғасқан Ақмешітке
сол уақытта жаңа есім қойып, Қызылорда деп айдар таққан
Қоңырқожа Қожықов туралы жазар сәтте бұған дейін де
оқыған тарихты тағы бір мәрте шолып шықтым. Ауыл
тарихшысы Ұлпат Қожаназарова айтқандай, расында екі
әулеттің ғұмырында тұтас қазақ тарихы жатыр екен. Ауыл
аксакалы Қамар Рүстемов әңгімені әрден бастады.

– Қоңырқожа туралы айтпасаңыз, ауыл әуелі Қожық
қайдан шыққанын ойлау керек. Қожық – Қоңырқожаның
әкесі. Ал Қожықтың әкесі – Қорасан жоқадан тараған
Алтайбек. Бала күнінде ауыл сыртында шөп орып
жүргенде доңыздан қашып, сол Алтайбектің үлкен
күмбезді мазарына талай бардым. Мұның бәрін көріп
өстік. Қоңырқожа бала күнінен білімге құштар болып
өседі. Хат танып, медреседе білім алады. Елдің болысы
Мұнайтынас мектеп ашқан кезде оған жан-жақтан мұғалім
іздейді ғой. Сонда Қоңырқожаның кандидатурасы сай
келеді екен. Осылай бала оқытып жүрген ол күндердің
күнінде Мұнайтынастың қызы Ләтипаға ғашық болады.
Бірақ болыстың қызын алуға оның шамасы келмеген екен.
Араға біраз уақыт салып, Ләтипаға бөгде біреулер құда
түсуге келе жатқанын білген соң, екі ғашық қол ұстасып,
бірге қашып кетеді екен. Міне, содан бері Қоңырқожа
бір жерде тұрақтамаған деседі. Үнемі тұрғылықты жерін
ауыстырып отырған, – деп қалың ойға шомды ақсақал.

3-БЕТТЕ

БЕТА ҰРПАҚ: Жаңа буын кезеңі басталды



Сарапшылар 2025 жылы Бета
ұрпақ дүниеге келетінін айтуда.
Бұл қандай ұрпақ дерсіз. Адамзат
баласының жаңа буынының
алдыңғы толқынға ұқсамайтын өз
ерекшелігі бар. Осы орайда Бета
ұрпағы туралы жазғанды жөн
көрдік. Бета ұрпағы деп 2025 жылдан
кейін дүниеге келетін балаларды
атайды, олар технологиялар мен
сандық өзгерістердің ортасында
өседі. Бұл ұрпақтың өмір сүру салты
мен құндылықтары жаңа дәуірге сай.
Олар өз өмірін жасанды интеллект,
робототехника, виртуалды
шындық сияқты технологиялармен
байланыстырады. Сонымен
қатар олар үшін экологиялық
жауапкершілік, инклюзивті қоғам
және сандық мәдениет негізгі
құндылықтарға айналады. Жаңа
ұрпақтың дүниетанымы мен
айналаға көзқарасы бөлек. Олар тек
технологияларды қолданушы емес,
сонымен қатар жаңа технологияның
дамуына үлес қосады. Әлемді өзгерту
үшін қандай құралдар мен әдістер
қолданатынын, түрлі инновация
жасайтын да осылар.

4-БЕТТЕ

2025- ЖҰМЫСШЫ МАМАНДЫҚТАР ЖЫЛЫ

МӘРТЕБЕЛІ МАМАНДЫҚҚА АЙНАЛА МА?

2025 жыл қарапайым еңбек адамдары үшін жақсы жаңалықпен басталды. Себебі биыл жұмысшылардың мәртебесі артып, олардың еңбегіне қоғамның назары ауды.

Мемлекет басшысы былтырғы Жолдауында қарапайым еңбек адамдарын қуанытып, 2025 жылды «Жұмысшы мамандықтар жылы» деп жариялайтынын айтқан еді.

– Кәсіптік білім беру саласына реформа жасау – айрықша өзекті мәселе. Бұл – экономиканың өсімін қамтамасыз ету және инвестициялық тартымдылығын арттыру үшін аса қажет қадам. Мен 2025 жылды «Жұмысшы мамандықтар жылы» деп жариялаймын. Осы уақыт ішінде техникалық және кәсіби білім беру жүйесін реформалау қажет. Сондай-ақ біз жұмысшы мамандықтарын дәртіптеу арқылы қоғамда еңбеккер және нағыз маман болу идеясын насихаттаймыз, – деген болатын Президент жолдауда. Яғни қоғамда еңбеккерлік, кәсібилік сияқты қасиеттер өте жоғары бағалануы тиіс.

Мемлекет басшысының айтуынша, жұмысшы мамандықтар жылы қоғамда еңбеккерлік пен кәсіпкерлік идеясын ілгерілетуге ықпал етеді. «Адал әрі табанды еңбегімен табысқа жеткен адамдар қашанда

күрметті, сыйлы болуы керек. Бұл біз ұсынып отырған «Адал азамат – Адал еңбек – Адал табыс» қағидатына толық сай келеді», – деп атап өтті президент Қасым-Жомарт Тоқаев.

2025 жыл – Жұмысшы мамандықтар жылы деп жариялануына орай, кәсіптік білім беру саласына реформа жасау – өзекті мәселе. Бұл тұрғыда жоғары оқу орындары ғана емес, техникалық және кәсіптік білім беру мекемелері де білікті кадр даярлауды қолға алмақ. Бұл мақсатта кәсіптік білімді трансформациялаудың 2025-2027 жылдарға арналған Жол картасы қабылданды.

– Кәсіптік бағдар берудің реформасы оқушыларға еңбек нарығындағы жаңа талаптар туралы білуге, экономиканың нақты секторларындағы мансап перспективаларын бағалауға және мамандықтарды дұрыс таңдауға мүмкіндік береді. Бұл үшін мектептердегі кәсіби бағдарлау қызметі күшейтіледі, осы арқылы оқушылар толығымен кәсіби диагностикамен қамтылады. Жоғары сынып оқушыларын практикалық дағдыларға және колледждер базасында алғашқы жұмыс кәсібіне оқыту тәжірибесі енгізіледі, – дейді Оқу-ағарту министрі Ғани Бейсембаев.

2-БЕТТЕ

Қоғалықолға өткен күннің белгісін іздеп барған әрбір жан әуелі мектеп тарихшысы Ұлпат Қожаназарованың көмегіне жүгінеді. Елді мекенге келген халықаралық деңгейдегі тарихшылар мен археологтардың талайын көрді. Экскурсовод болып, ауыл іргесіндегі орта ғасырлық көне қалаларға да, қазаққа Алшын қайраткерлерімен қатар қызмет еткен тұлғалардың зиратына да барды. Бүгінде осы құндылықтарды қалың қазаққа насихаттап жүрген жан ауылдағы Мұнайтынас әулеті мен Қожық әулетінің ғұмырына тұтас қазақтың тарихы сыйғанын айтады. Айтпақшы, Ұлпат Сембекқызы – жоғарыда айтылған тұлғаларды ғылымға алғаш енгізген жан.



Ұлпат ҚОЖАНАЗАРОВА,
№44 орта мектептің тарих пәнінің
мұғалімі:

ҚОҢЫРҚОЖАНЫ ҒЫЛЫМҒА БІРІНШІ БОЛЫП ЕНГІЗДІМ

– Биыл Қызылорда қаласының астана болғанына – 100 жыл. Ғасыр тойында Қоңырқожа Қожықовтың да есімі елесен екен деп жүргендер көп. Қызылорда атауының авторы – Қоңырқожа. Осы мәліметке тоқталып өтесіңіз...

– Әңгімені сол кезеңдерде беделді қызметте болған Сұлтанбек Қожанов, Сағнар Асфендияров және Қоңырқожа Қожықов бір-бірімен бажа екенінен бастайын. Үшеуі Мұнайтынастың үш қызын алған. Міне, сол Қызылорда астана болған жиында Сұлтанбек Қожанов Қазақстанның аумақтық территориясын қайта жасақтау барысында біздің өңірдің Қазақстанның орталығы болуының тиімді тұстарын дәлелдеп шығады. Осыдан соң еліміздің астанасы атанған шаһардың атын қоярда Қоңырқожаның дәлелдемелері көпшілікке ұнайды. Ол «Алтын орда – Қазақстан территориясында пайда болған ең ірі мемлекеттердің бірі. Біз өзіміздің түп тамырымызды Алтын ордадан алдық. Қазақ хандығының бүкіл мұрасы бізге осы ордадан алдық. Біз бұл атауды өзіміздің тарихымызбен байланыстыруымыз керек. Сол кезде жаңа билік те ашуланбайды, біздің тарихи тамырымыз да жоғалмайды» деген екен. Оның бұл сөзі көптің ойынан шығып, Қызылорда атауы қабылданды.

3-БЕТТЕ

РУХАНИЯТ



Мүсілім ӘМЗЕ, Қазанғап атындағы Қызылорда жоғары музыка колледжінің директорының міндетін атқарушы, Қызылорда облыстық симфония оркестрінің көркемдік жетекшісі және бас дирижері:

ҚҰТ ҚОНҒАН ОРДАҒА ЖАН-ЖАҚТАН ӨНЕРПАЗДАР КӨШІП КЕЛІП ЖАТЫР

Өнер күдірет болса, дирижерлік классикалық өнердің шыңы деуге болады. Жұмбақ әлеммен сырласып, бірнеше аспаптың үнін бір арнаға тоғыстырып, ғаламат әуенмен адам жанын тербейтін әлемдік туындыларды көрерменге жеткізу – дирижердің мықтылығы. Сиқырлы таяшамен әуеле сурет салатын дирижер кәсіби шебер болса, адам жанын баурап алып, қалың көрерменнің құрметіне бөленіп, әр концертінде ду қол шапалақпен күтіп алып, шығарып салады. Өнер адамы үшін бұдан асқан қуаныш пен бақыт болмайды. Бүгінгі сұхбатымыздың кейіпкері – Мүсілім Әмзе осындай тарлан талант иесі. Бойындағы сан өнерімен көпшілікті тәтті еткен кәсіби өнер шеберімен сұхбаттасудың сәті түскен еді.

2-БЕТТЕ



